

P. 60, L. -3【心王心數共攻之】《法華文句記》卷 2〈釋序品〉：「是故展轉相扶攻惡，若一心改，餘者相從；若相扶轉，盡同入實境，無非真王，非王非數，故知隨人，何者偏強，強為觀境，弱者隨去；妙得此意，四儀三業，修觀有託，況復能觀須辨異同？言『共攻』者，通心善心，即能攻也。」(T34,p.182a1-6)

P. 59, L. -1【心數、不盡】《妙法蓮華經文句》卷 2〈序品〉：「至醍醐時，王數皆畢，心心法數不行故，名行般若波羅蜜。《普賢觀》云：「觀心無心，法不住法，我心自空，罪福無主。」即是無心無數，名為正觀。是心數塵勞若不盡者，觀則不訖，故經言：「眾生不度，我不成正覺。」即此意也。」(T34,p.20c6-11)《法華文句記》卷 2〈釋序品〉：「能攻屬智，故云『行般若』也。引《普賢觀》者，能所盡故，故心無心、法不住法，計有能觀，名為我心，有我心故，能所不亡；我所若空，罪福無主。『無心無數名正觀』者，故云『若不盡者，觀則不訖』，故至妙覺，方名為訖。所言『盡』者，因心所盡、果心無盡，猶如五陰，因果名同而其體永別。通引諸經意云『眾生不度』等者，借事證理。若所觀之心，眾生不轉，則能觀王數，師弟不息。」(T34,p.182a7-15)

P. 61, L. 5【釋論云】《大智度論》卷 4〈序品 1〉：「問曰：諸菩薩二種：若出家，若在家。在家菩薩，總說在優婆塞、優婆夷中；出家菩薩，總在比丘、比丘尼中。今何以故別說？答曰：雖總在四眾中，應當別說。何以故？是菩薩必墮四眾中，有四眾不墮菩薩中。何者是？有聲聞人、辟支佛人、有求生天人、有求樂自活人，此四種人不墮菩薩中。何以故？是人不得發心言「我當作佛」故。」(T25,p.85,a23-b2)

P. 61, L. -6【如釋論引迦旃延子】《大智度論》卷 4〈序品 1〉：「阿毘曇中，迦旃延尼子弟子輩言：何名菩薩？自覺復能覺他，是名菩薩。必當作佛，是名菩薩。」「問曰：何時種三十二相業因緣？答曰：過三阿僧祇劫，然後種三十二相業因緣。」(T25,p.86,c4-18)布施、持戒、忍辱、精進、禪定、智慧等六度修行完滿之相。如尸毘王代鴿割肉飼鷹，為布施之滿相；普明王持不妄語戒，七日屆滿而捨國就死，為持戒之滿相；羼提仙人受迦梨王截斷手、足、耳、鼻，其心不動不恨，為忍辱之滿相；大施太子為救國人而杼海水，雖斷壞筋骨，終不懈怠，為精進之滿相；尚闍梨修第四禪定，於樹下兀然不動，鵲鳥於其頂上築巢，為禪定之滿相；劬濱大臣分閻浮提地為七分，以平息諍端，為智慧之滿相。～《佛光大辭典》

P. 61, L. -5【調血眾生為乳】《法華文句記》卷 2〈釋序品〉：「通論三種皆

稱菩提，所謂三乘。前二乘人，雖稱菩提，非佛功德，故不名薩埵。凡為雜血調成三祇百劫淨乳。」(T34,p.182b20-22)聲聞菩提、緣覺菩提、諸佛菩提。《大般涅槃經》卷35〈12 迦葉菩薩品〉：「從無明行及諸煩惱，得善五陰，是名佛性。從善五陰，乃至獲得阿耨多羅三藐三菩提。是故我於經中先說，眾生佛性，如雜血乳；血者即是無明行等一切煩惱，乳者即是善五陰也。是故我說，從諸煩惱及善五陰，得阿耨多羅三藐三菩提。如眾生身，皆從精血而得成就，佛性亦爾。」(T12,p.571c1-7)

P. 61, L. -5【與薩婆若相應】《摩訶般若波羅蜜經》卷7〈問住品 27〉：何等是般若波羅蜜？菩薩摩訶薩應薩婆若心，念色無常、念色苦、念色空、念色無我…應薩婆若心，觀無明緣諸行，乃至老死因緣大苦聚集，亦無所得故。…應薩婆若心，修四念處，以無所得故。乃至修佛十力、十八不共法，以無所得故。…應薩婆若心，行檀那波羅蜜，以無所得故。行尸羅波羅蜜、羼提波羅蜜、毘梨耶波羅蜜、禪那波羅蜜，以無所得故。(T08,p.273,c5-23)《觀音玄義》卷2：「大品云。菩薩發心與薩婆若相應。此即觀真斷結與理相應也。發心已來即觀真斷結。便稱菩薩。」(T34,p.886,a6-8)《菩薩戒義疏》卷1：「如大論引迦旃延明六度齊限。…偏菩薩也。大品明有菩薩發心與薩婆若相應。通菩薩也。有菩薩發心遊戲神通淨佛國土。淨名中不思議解脫變身登座。而復受屈被呵者。別菩薩也。發心即坐道場成正覺。轉法輪度眾生。圓菩薩也。」(T40,p.563,c28-p.564,a7)調乳→酪：鹿苑時。調酪→生熟酥：方等、般若時。調酥→醍醐：法華時。《法華文句記》卷2〈釋序品〉：「凡為雜血，調成三祇百劫淨乳。引《大品》三文證四味者，且以三教義攝四味，況今五味皆判菩薩，故以酪對通，二酥對別，醍醐對圓，以諸菩薩歷此四味，入不定故。」(T34,p.182,b22-26)

【偏菩薩】祿宏《梵網菩薩戒經義疏發隱》卷1：「勤修六度。銖積寸累而成者。藏也。不曰藏而曰偏菩薩者。以藏中具有聲聞、菩薩二門。而此經屬菩薩戒。故獨表菩薩。藏教菩薩。偏而未全(圓)。故曰偏菩薩也。」(X38,p.138b7-10)

P. 61, L. -1【龍種上尊王佛】文殊菩薩之本地。首楞嚴三昧經下曰：「龍種上如來。」心地觀經三曰：「龍種淨智尊王佛。」智度論二十九曰：「龍種尊。」法華文句記二曰：「龍種上尊王。」異名同體也。～《佛學大辭典》《佛說首楞嚴三昧經》卷2：「過去久遠無量無邊不可思議阿僧祇劫，爾時有佛，號龍種上如來、應供、…佛、世尊。……迦葉！汝謂爾時平等世界龍種上佛，豈異人乎？勿生此疑。所以者何？即文殊師利法王子是。」(T15,p.644,a4-20)